



## **NORMATIVA Nº 5**

**SUBVENCIONS DA FGTA A DEPORTISTAS PARA A ASISTENCIA A CAMPIONATOS.  
APORTACIÓNS AOS CLUBS / DIETAS E QUILOMETRAXE**

### **ÍNDICE:**

- 1- INTRODUCCIÓN
- 2- SELECCIÓN GALEGA
- 3- CRITERIOS DE CONCESIÓN E CONTÍA DA SUBVENCIÓN
- 4- UNIFORMIDADE
- 5- OBRIGAS DOS SUBVENCIONADOS
- 6- DEREITOS DOS SUBVENCIONADOS
- 7- COMPETICIÓNS VALEDEIRAS
- 8- INCENTIVOS POR RESULTADOS
- 9- MARCAS MÍNIMAS SUBVENCIONABLES PARA CAMPIONATOS DE ESPAÑA
- 10- APORTACIÓNS A CLUBS OU ENTIDADES ORGANIZADORAS EN CAMPIONATOS GALEGOS, TROFEOS FEDERACION E LIGAS
  - CELEBRACIÓN INDEPENDENTE
  - CELEBRACIÓN CONXUNTA
- 11- CONCEPTOS SUBVENCIONABLES
- 12- DIETAS E QUILOMETRAXE
- 13- APROBACIÓN E MODIFICACIÓNS



## NORMATIVA Nº 5

### SUBVENCIONS DA FGTA A DEPORTISTAS PARA A ASISTENCIA A CAMPIONATOS. APORTACIÓNS AOS CLUBS / DIETAS E QUILOMETRAXE

#### 1.- INTRODUCCIÓN

A FGTA ostenta a representación de Galicia nos Campionatos de España e naqueles Torneos Internacionais onde puidese participar.

#### 2.- SELECCIÓN GALEGA

Enténdese por tal o conxunto de persoas que, nun momento dado, e en diferentes modalidades do Tiro con Arco, representan a Galicia nunha competición fóra da Comunidade Autónoma. Inclúese nesta selección ao capitán de equipo ou adestrador, designado pola FGTA para cada campionato.

Promocionarase especialmente a participación da muller e das categorías inferiores.

#### 3.- CRITERIOS DE CONCESIÓN E CONTÍA DA SUBVENCIÓN

Será condición indispensable para OPTAR á subvención a calquera campionato de España individual o feito de acudir ao/s clasificatorio/s que se convocarán ao efecto, ou cumprir os requisitos esixidos de non realizarse estes clasificatorios, e tomarase a media das dúas mellores puntuacións obtidas por cada arqueiro nesa temporada e que superen as dúas puntuacións a puntuación mínima aprobada pola asemblea ou a comisión delegada e cumplan as condicións marcadas previamente á celebración do Campionato de España de que se trate e que figurarán no calendario oficial da FGTA.

En caso de que un arqueiro consiga a puntuación mínima subvencionable na participación do Campionato de España correspondente, esta puntuación tamén será tida en conta á hora de conseguir o dereito a ser subvencionado e percibirá a porcentaxe da subvención en relación a súa calificación final do listado definitivo de deportistas con dereito a subvención que participe no Campionato de España.

No momento de publicar as convocatorias estableceranse as condicións que se deberán cumprir para optar á subvención; e terase en conta o formato do Campionato de España de que se trate.

Non obstante, acadar o referido no punto anterior non garante a subvención automaticamente; senón que se seguirá o seguinte criterio:

- Arqueiro con maior calificación no listado definitivo de deportistas con dereito a subvención que participe no Campionato de España recibirá o 75% da subvención máxima.
- Arqueiro con segunda mellor calificación no listado definitivo de deportistas con dereito a subvención que participe no Campionato de España recibirá o 50% da



## NORMATIVA Nº 5

### SUBVENCIONS DA FGTA A DEPORTISTAS PARA A ASISTENCIA A CAMPIONATOS. APORTACIONS AOS CLUBS / DIETAS E QUILOMETRAXE

subvención máxima.

- Arqueiro con terceira mellor calificación no listado definitivo de deportistas con dereito a subvención que participe no Campionato de España recibirá o 25% da subvención máxima.
- Arqueiro con cuarta mellor calificación no listado definitivo de deportistas con dereito a subvención que participe no Campionato de España recibirá o 10% da subvención máxima.

As porcentaxes referidas serán sobre a contía máxima fixada pola FGTA.

Como máximo haberá 4 arqueiros subvencionados por categoría, sempre ordenados de maior a menor media, que serán relacionados antes do Campionato de España correspondente. Se un arqueiro conseguira a subvención no Campionato de España incluírase no listado de deportistas subvencionados recibindo a porcentaxe da subvención que lle correspondería segundo o seu posto na relación de deportistas subvencionados.

Nas categorías cadete e menores de 14 anos o arqueiro situado en 4º lugar percibirá o mesmo importe de subvención que o terceiro, o 25%.

No caso de que algún dos arqueiros con dereito a subvención non acuda ao Campionato de España correspondente, os seguintes na lista (sempre por orde de calificación e no caso de que superasen as condicións establecidas) poderán obter a subvención no caso de que acudan ao Campionato de España de que se trate percibindo a porcentaxe da subvención segundo a posición que ocupen no listado definitivo de deportistas con dereito á subvención que acudan ao Campionato de España correspondente.

Por outra banda, os arqueiros que formen parte do equipo de Galicia nun Campionato de España de CCAA, participación derivada da suma das tres mellores puntuacións no round de clasificación do campionato individual, ou as dúas mellores no caso dos equipos mixtos, terán dereito a que se lles aboee ata o 100% do importe dos gastos subvencionables por cada día da competición por equipos. Estes gastos subvencionables serán exclusivamente a dieta por comida e aloxamento, ademais do parking se fora preciso, con independencia de ter acadado ou non a subvención para ese campionato pero non podendo ser acumulable entre elas. En caso de acumulación prevalecerá a porcentaxe máis alta da subvención nese día ou días que dure a competición por equipos.

Os arqueiros que participen en campionatos convocados pola WA e pola WAE, tales como o Campionato do Mundo, o Campionato de Europa, os Xogos do Mediterráneo e as finais das Copas do Mundo, e cuxos gastos non sexan sufragados nunha contía superior ao 50% pola RFETA, a Federación Galega subvencionará a ditos arqueiros cos importes correspondentes á manutención e o aloxamento fóra de España, **sempre que sexa posible despois de estudar os estados contables da Fgta.**

A contía máxima dos conceptos subvencionables será a fixada pola FGTA para cada un dos



## NORMATIVA Nº 5

### SUBVENCIONS DA FGTA A DEPORTISTAS PARA A ASISTENCIA A CAMPIONATOS. APORTACIÓNS AOS CLUBS / DIETAS E QUILOMETRAXE

campionatos cos seguintes criterios:

Quilometraxe máximo dende a cidade de Santiago de Compostela (entendéndose a mesma como punto central da Comunidade Galega) ata a localización do campionato, distancia tomada co programa Google maps.

Peaxes.

Dietas e aloxamento: 1/2 dieta para os campionatos que se encontren a menos de 250 Km, 2 réximes completos por 1 día de campionato, 3 réximes completos por 2 días de campionato, 4 réximes completos por 3 días de campionato.

Aparcadoiros: ata un importe máximo do sinalado no punto 13.

Inscrición ao Campionato: polo importe da inscrición do torneo correspondente.

A porcentaxe final de cada subvencionado calcularase proporcionalmente do total da partida para subvencións aprobada pola asemblea nos seus presupostos e que en ningún caso poderá superar a porcentaxe sobre o total anteriormente marcado.

As puntuacións mínimas serán aprobadas pola asemblea ou a comisión delegada o comezo da tempada, e serán calculadas automaticamente mediante o sistema de puntuación media dos resultados da proba nacional da tempada anterior obxecto da subvención así como dos resultados do trofeo Federación e o Campionato Galego das dúas tempadas anteriores, cun coeficiente sobre a puntuación máxima de cada campionato.

Os arqueiros que consigan podium no Campionato de España pero non conseguiran a subvención correspondente por non alcanzar a puntuación mínima establecida terán dereito ao 75% da subvención máxima reflexada nesta Normativa.

#### 4.- UNIFORMIDADE

Todo o equipamento deportivo entregado pola FGTA quedará en propiedade do deportista / técnico, e será utilizado nos eventos deportivos nos que participen representando a Galicia.

No momento da entrega o deportista / técnico asinará un recibo no que se detallarán cada un dos elementos entregados.

O coidado da uniformidade será a cargo do deportista / técnico.

A uniformidade da Selección Galega só poderá exhibir os logotipos ou anagramas dos patrocinadores oficiais da selección, quedando totalmente prohibida a colocación de logotipos ou anagramas de patrocinadores privados alleos á mesma.

Durante os adestramentos libres, os deportistas poderán utilizar roupa deportiva distinta á uniformidade oficial, non así nos adestramentos oficiais ou resto das fases do



## NORMATIVA Nº 5

### SUBVENCIONS DA FGTA A DEPORTISTAS PARA A ASISTENCIA A CAMPIONATOS. APORTACIONS AOS CLUBS / DIETAS E QUILOMETRAXE

campionato.

Aos deportistas entregaráselles unha nova uniformidade nos seguintes casos:

- Cambio no deseño ou na calidade dos materiais.
- Deterioro das prendas, previa xustificación do motivo. De non ser xustificado, o deportista aboará o prezo do novo equipamento.

#### 5.- OBRIGAS DOS SUBVENCIONADOS

- Participar na competición para a que foi subvencionado.
- Participar no equipo en caso de ser seleccionado polo Capitán do mesmo ou representante da FGTA na competición.
- Utilizar o equipamento facilitado pola FGTA nas competicións en que represente a Galicia a nivel individual ou por equipos.
- Someterse aos controis de dopaxe que se lle requiran a través da RFETA, AMA, AEPSAD... en competicións de calquera nivel ou entre elas.
- Estar a disposición da FGTA durante os días de celebración do campionato, para calquera acto ou reunión que convoque a mesma.
- No caso de negarse a participar na competición formando equipo, non poderá recibir subvención algunha da FGTA por ese campionato.

#### 6.- DEREITOS DOS SUBVENCIONADOS

- Percibir a subvención concedida ao final da tempada deportiva da disciplina correspondente previa presentación dos xustificantes de gastos no tempo e forma indicados para tal efecto.
- O equipo técnico da FGTA estará a disposición do deportista en todo o que se refira á planificación, adestramento, preparación e asistencia na competición.
- A subvención farase efectiva ao final da tempada deportiva da disciplina correspondente no que procede a subvención, previa presentación dos xustificantes de gasto correspondentes no tempo e forma indicados para tal efecto.
- Non poderá ser aboada unha subvención unha vez pechado o exercicio económico ao que corresponda.



## NORMATIVA Nº 5

### SUBVENCIONS DA FGTA A DEPORTISTAS PARA A ASISTENCIA A CAMPIONATOS. APORTACIÓNS AOS CLUBS / DIETAS E QUILOMETRAXE

#### 7.- COMPETICIÓNS VALEDEIRAS

Internacionais recoñecidas pola WA e pola WAE e comunicadas á FGTA con anterioridade, e con remisión nos 10 días posteriores á celebración da mesma dos resultados obtidos.

Nacionais organizadas pola RFETA (GPs, Campionatos de España, Ligas,...).

Probas valedoiras para o ranking RAUS, organizadas pola FGTA ou por calquera outra Federación que cumpra coa normativa RFETA para a súa homologación, comunicando á FGTA (sempre cando nos este organizada por ela) con anterioridade, e con remisión nos 10 días posteriores á celebración da mesma dos resultados obtidos.

Todas as competicións recoñecidas pola FGTA (convocados todos os arqueiros da FGTA en tempo e forma e cos datos en poder da FGTA nos 10 días posteriores ao remate do campionato).

Campionatos Galegos, Trofeos Federación e Ligas.

#### 8.- INCENTIVOS POR RESULTADOS

1. Os arqueiros que acaden Medalla nun Campionato Internacional organizado pola WA/WAE (WorldCups, Mundiais, Campionatos de Europa, indoor e outdoor) serán recompensados co 75% da subvención máxima ao seguinte Campionato de España correspondente a esa disciplina e coa inscrición gratuíta correspondente ao Campionato.

2. Os arqueiros que acaden medalla, en categoría disputada, en Campionatos de España e haxa declaración de campións nesa categoría (individual ou por equipos) serán recompensados coa exención de aboar taxas de inscrición durante a seguinte tempada en campionatos organizados pola FGTA (Campionatos Galegos e Federación, Aire libre, Sala, Campo, Bosque 3D e Ligas autonómicas) correspondentes unicamente á disciplina na que obtiveron a medalla.

3. Os arqueiros que acaden Medalla individual nun Campionato de España e haxa declaración de campións nesa categoría, serán recompensados na seguinte tempada coa inscrición no seguinte Campionato de España nesa disciplina organizado pola RFETA e coa inscrición aos GPs ou ligas nacionais que participen na seguinte tempada nesa disciplina.

4. A Inscrición aos Campionatos a realizará o arqueiro coma ven sendo habitual a través da plataforma e posteriormente a FGTA, previa comprobación da inscrición, fará unha transferencia bancaria polo importe da inscrición ao arqueiro correspondente.



## NORMATIVA Nº 5

### SUBVENCÍONS DA FGTA A DEPORTISTAS PARA A ASISTENCIA A CAMPIONATOS. APORTACIÓNS AOS CLUBS / DIETAS E QUILOMETRAXE

## 9.- MARCAS MÍNIMAS SUBVENCIONABLES PARA CAMPIONATOS DE ESPAÑA

TABLA MARCAS

## 10.- APORTACIÓNS A CLUBES OU ENTIDADES ORGANIZADORAS EN CAMPIONATOS GALEGOS, TROFEOS FEDERACIÓN E LIGAS

O importe da subvención aboarase por anticipado ao club ou organizador se estos o consideran oportuno. As facturas xustificativas deberán presentarse entre o 1 de xaneiro e o 30 de novembro do ano natural en curso.

As subvencións para a organización dos Campionatos, Trofeos Federación, Ligas 3D e tiradas organizadas pola FGTA serán as seguintes:

### CELEBRACION INDEPENDENTE

	<b>SALA (2*18)</b>	<b>AIRE LIBRE (2*70)</b>	<b>AIRE LIBRE (Round 1440)</b>
VETERANOS, SÉNIOR, JÚNIOR E CADETE	900,00 €	900,00 €	1000,00 €
INFANTIL, ALEVÍN, BENXAMÍN E ESQUÍO	900,00 € (1)	900,00 € (1)	-----
TRADICIONAL E DESNUDO	900,00 €	900,00 €	
CAMPIONATO GALEGO DE CLUBS	1.700,00 €	1.700,00 €	
CAMPIONATO GALEGO DE PERCORRIDO DE BOSQUE 3D OU CAMPO			2.775,00 €
LIGA GALEGA 3D			1.800,00 € por encontro

(1) Estas cantidades incrementaranse en 100,00 € no caso de superar os 50 participantes.



## NORMATIVA Nº 5

### SUBVENCIONS DA FGTA A DEPORTISTAS PARA A ASISTENCIA A CAMPIONATOS. APORTACIÓNS AOS CLUBS / DIETAS E QUILOMETRAXE

#### CELEBRACIÓN CONXUNTA

Campionato Galego de Sala de Recurvo, Composto e Adaptado en todas as súas clases e Campionato Galego de Sala de Arco Tradicional e Arco Espido en todas as súas clases - **2.775,00 €** (3 Campionatos).

Campionato Galego de Aire Libre de Recurvo, Composto e Adaptado en todas as súas clases e Campionato Galego de Aire Libre de Arco Tradicional e Arco Espido en todas as súas clases - **2.775,00 €** (3 Campionatos).

Campionato Galego de Aire Libre ou Sala de Arco Recurvo e Composto: Veterano, Sénior, Júnior e Cadete e Campionato Galego de Aire Libre ou Sala de Arco Recurvo e Composto: Infantil, Alevín, Benxamín e Esquí - **1.500,00 €** (2 campionatos).

Trofeo Federación Galega-Xunta de Galicia de Recurvo, Composto e Adaptado en todas as súas clases e de Arco Tradicional e Espido en todas as súas clases - **2.275,00 €** (3 Campionatos)

Trofeo Federación Galega-Xunta de Galicia de Aire Libre de Recurvo, Composto e Adaptado en todas as súas clases e de Arco Tradicional e Espido en todas as súas clases - **2.275,00 €** (3 Campionatos)

#### **11.- CONCEPTOS SUBVENCIONABLES:**

Desprazamento  
Dieta manutención  
Aloxamento  
Peaxes de autopistas  
Aparcadoiros  
Inscripción aos Campionatos

#### **12.- DIETAS E QUILOMETRAXE**

	España	Estranxeiro
En vehículo particular	0,19 € / km	-----
Aparcadoiros	10,00 € *	-----
Dieta completa (xantar e cea)	26,00 € *	48,00 €* *
Media dieta (xantar ou cea)	13,00 € *	-----
Aloxamento	45,00 €/día*	-----
Réxime completo (aloxamento+manutención do día)	71,00 €/día *	91,00 €* *

\* Importes máximos





## NORMATIVA Nº 5

### SUBVENCIONES DA FGTA A DEPORTISTAS PARA A ASISTENCIA A CAMPIONATOS. APORTACIÓNS AOS CLUBS / DIETAS E QUILOMETRAXE

**NOTA:** No caso dos xuíces que interveñan nunha competición de mañá ou de tarde aboaráselles o importe do ticket presentado da media dieta co máximo do importe establecido no punto 13. No caso dos xuíces que interveñan nunha ou varias competicións que duren todo o día aboaráselles o importe dos tickets presentados da dieta completa. No caso de que a actuación dun xuíz se estenda máis tarde das 21.30 h. aboaráselle a dieta de aloxamento presentando a factura correspondente co máximo do importe establecido no punto 13, sempre e cando a distancia á súa residencia sexa superior a 75 km.



## NORMATIVA Nº 5

### SUBVENCIONS DA FGTA A DEPORTISTAS PARA A ASISTENCIA A CAMPIONATOS. APORTACIÓNS AOS CLUBS / DIETAS E QUILOMETRAXE

#### **14.- APROBACIÓN E MODIFICACIÓNS**

*Normativa aprobada na Asemblea Xeral do 1 de abril de 2007*

*Normativa aprobada na Asemblea Xeral do 13 de abril de 2008*

*Modificada na Asemblea Xeral do 5 de abril 2009*

*Modificada na Asemblea Xeral do 25 de abril 2010*

*Modificada na Asemblea Xeral do 10 de abril 2011*

*Modificada na Comisión Delegada do 27 de novembro de 2011*

*Modificada na Asemblea Xeral do 22 de abril 2012*

*Modificada na Asemblea Xeral do 20 de abril de 2013*

*Modificada na Asemblea Xeral do 28 de marzo de 2015*

*Modificada na Comisión Delegada do 13 de xullo de 2015*

*Modificada na Comisión Delegada do 2 de abril de 2016*

*Modificada na Asemblea Xeral do 23 de abril de 2016*

*Modificada na Comisión Delegada do 24 de agosto de 2019*

*Modificada na Asemblea Xeral do 18 de xullo de 2020*

*Modificado na Comisión Delegada do 16 de agosto de 2020*